

In med d'instrucziun davart il rumantsch

Il project principal da la Pro Svizra Rumantscha per ils proxims onns

■ (anr/gc) La Pro Svizra Rumantscha (PSR) ha già sco finamira oriunda ina gasetta rumantscha dal di. Tras La Quotidiana è quai desiderat vegnì realisà. La PSR sustegna vinavant fitg La Quotidiana. Dentant ha la PSR diversifitgà ses radius d'acziun tras projects e mesiras per rinforzar la Rumantschia.

Sensibilisar per ils problems da minoritads

Il president da la PSR, *Arno Berther*, Sedrun, ha introducì la radunanza annuala il venderdi passà a Cuir cun la constataziun che l'onni passà haja purtà bleras novas negativas davart il rumantsch. Decisiv restia dentant il positiv che mintgin possia e veglia prestar sez persuerter. Era la PSR contribueschia a reducir quest deficit tras sia activitad dad infurmaziun e sensibilisaziun per problems da minoritads linguisticas in summa. Tras edir in med d'instrucziun per scolas d'ordaifer noss territori davart il rumantsch vless la PSR realisar quai sin ina vasta basa. Il seminari schurnalistic, che la PSR haja arranschà l'atun passà – ensemen cun la redacziun da La Quotidiana – haja servì da promover da leger l'entira gasetta. Era sur la Interreg III haja ins contacts cun la regiun da las Dolomitas per rinforzar là la pressa. Paisa dat la PSR era da sa preschentar sin l'internet.



Per infurmar davart il rumantsch anovers

La PSR ha elavurà in concept per edir en moduls in med d'instrucziun pil stgalim superiur da la scola populara na rumantscha. Quel vegn edì l'emprim per tudestg e pli tard era en franzos e talian. Finamira è da far enconuscenta la Rumantschia sur la scola en tut la Sviz-

guatg. Meglierar vul la PSR era la atgna cumparsa en la publicitad. Quei duai succeder tras in feigl d'infurmaziun u ina brochura. Era per quest onni è previs in seminari schurnalistic. En mira han ins da far quel per personas che vulessan scriver.

En la discussiun è la gronda muntada dal med d'infurmaziun ed instrucziun davart il rumantsch anovers vegnida punctuada. Tal possia render buns e necessaris servetschs. Era la muntada da La Quotidiana vegn punctuada e ch'i saja da far tut il pussaivel per che quella possia cuntinuar. Diversas propostas e mesiras èn vengidas fatgas.

Fatg in pitschen gudogn

Il quint da la PSR per 2002 serra – tar entradas da 16 500 ed expensas da 13 000 – cun in gudogn da 3500 francs. Tar l'administraziun haja ins pudì spargnar. Per preparar il nov med d'instrucziun èn 5000 francs vegnids mess a disposiziun. La facultad da la PSR muntava per la fin da l'onni a pli che 14 000 frs. Il preventiv da 2003 calculescha cun in gudogn da 600 francs. Las contribuziuns dals comembers restan sco fin ussa: 30 francs per singuls, 50 per consorts e 120 per personas giuridicas.

ra. Persuerter datti era contribuziuns finanzialas tant sco segiradas. Ils custs èn calculads cun 120 000 francs. En trais onni quintan ins dad avair realisà quel med d'instrucziun.

La PSR persequitescha era il svilup tar La Quotidiana. Ensemen cun la anr e la LR dat ella sustegn a quella gasetta ch'è da gronda impurtanza per noss lin-